



Nuuk, 19-12-2018

Juulli meerarpassuarnut imaannaangitsuusarpoq

Decemberimi juullimut naneruutit ikitertarpagut ilaquttagullu qanilaartumik peqatigilersarlugit. Inuppassuit nuannaarlutillu qiimasarput, meeqqalli ilaannut juulli artornarsinnaasarpoq. Aliasunneq, ilaqutariit iluini aporfippassuit, ilaqutariit avissaartuuttut atornerluinerillu juulli nuanaarfigiuminaatsilersinnaasarpaa.

Oqimaassinnaasarpoq ilaqutariinni inuk pingaaruteqartoq amigaataagaangat; juullillu ulluini maqaasineq sakkortunerulersinnaasarpoq, misigisitsisarlungi, soorluli suut pisarnermittut inngilluinnartut. Kiserliortoqalersinnaasarpoq, inuk qanigisaq annaasimagaanni. Meeqqat angajoqqaarisamik annaasaqarsimasut, juulli allanit anigoruminaannerusutut misigilersinnaasarpaa, tassa maqaasinertik annertungaartarmat, meeqqqaallu iluminni pigisaminnik annissiuminaatsisinnaasarlutik. Meeqqat ilaat juullimik allanut aseruinnissartik mianeralugu, ataatsimoornermit tunuarsinnaasarput kiserliornertik kisimiillutik nammakkumalerlugu.

Meeqqat Ikiortigit tungaanit kaammattuutigiumavarput, meeqqat inuussuttullu, qanigisaminnik annaasaqarsimasut, ikiortaqqullugit, juulliugaluartoq inissaqartitsillutik, annasaqarsimasut oqaloqatiginissaannut, saammarsarlugit oqaluttuullugit minnerunngitsumik juulli siulleq artornarsinnaasarmat, piffissalli ingerlanerani aliasunneq inooqataaffigineqalersinnaasarmat, naak annaasaq uummammiitinneqaraluartoq.

Meeqqat ilaannut juulli "pusingasutut" misigineqarsinnaasarpoq, anaanarisaq ataatarisarlu imminnut qimassimatillugit. Juullimmi ulluini meeqqanut sulii erseqqinnerulersutut ittarpoq, angajoqqaat avissaarsimanerat. Meeqqallu ilarpassuisa kissaatigisarpaat angajoqqaami imminnut naneqinnissaat. Aammalumi pitsaanerpaavoq – angajoqqaajusut isumaqatigiissutigisinnaappassuk – peqatigiilluni juullisiornissaq – tamannalu pisuusaarnerusariaqarnanilu "qangatut" iluseqarluinnartariaqanngilaq – meeqqalli pisariaqartitsinera tassani salliutinneqarluni qitiutinneqarluni. Tamannali pisinnaanngippat aamma ajunngilaq, meeqqat angajoqqaarilerallakkaminni juullisiorpata. Taamatut pisoqassatillugu pingaartuuvoq ilissi angajoqqaatut ajuusaarnermik takutitsisinnanersi, meeraq oqaluttuullugu nuannaaleqqik-kumaarmat aammalu juullip kingorna takoqqikkumaarassi. Aamma meeqqat oqaluttuarsinnaatinneqassapput, juullimi qanoq nuannisarsimatiginnerminnik, naak angajoqqaajusut arlaat peqataanngikkaluartoq.

Meerarpassuaqarlunilu inuussuttorpassuaqarpoq juullimut qilanaanngitsunik, ilaqutariimmi akornanni aporaattoqarlunilu eqqissiviillortoqartillugu, juulli nuarnerusutut misigiuminaassinnaammat. Aamma toqqissisimannngissutaasinnaasarpoq, soorlu assersuutigalugu angajoqqaat arlaat nutaamik aappaqalersimagaangat, meeqqap sungiunnaaqqaaqagassaanik aammalu takornarnarsinnaalluni soorlu taanna immineq meeraqarpat. Imaluunniit annikilliuutigisinnaavaat soorlu angajoqqaajusut arlaata

aappakumi nutaamik aappaqalersimanera pitsaanngitsumik tiguppagu. Taamaattoqarpat juulli toqqissisimanarnanilu meeqqat ilaannut artornarsinnaasarpoq.

Meeqqat Ikiortigit tungaannit siunnersuutigiumavarput, angajoqqaat, imminnut qimassimasut, juullip ingerlanerani meeqqap sumiittarnissaanik aaqqissuillutik isumaqatigiissusiortarnissaat, mianeralugu, meeqqanut allannguutit ajonartorsior-titsisinnaasarnerat. Pingaartuuvoq meeqqat inersimasut aaqqiagiinnngissutigisinnaasaannut akuliutsinneqannginnissaat – aamma juulliutillugu. Aaqqiguk allamik aappaqalersimanermi meeqqap kisimeeqatigisinnaasarnissaa, meeraq soqutigineqanngitsutut misigisimaleqqunagu. Meeraq paaasitiguk ilinnut pingaartuummat – tamannami meeqqat ilisimassallugu pisariaqartippaat.

Aamma toqqissisimajunnaartitsisinnaavop, juullikkunni imigassartorpallaartoqarpat. Taamatummi pisoqarpat meeqqat ersilerlutillu kanngusulersinnaapput. Minnerunngitsumillu juullikkunni tamanna misigissallugu sakkortusinnaavoq. Meeqqammi ilaqtutanilu nuannersumik ataatsimoornissartik pisariaqartippaa. Meeqqat ilaat aporaannernik assortuunnernilluunniit misigisaqarumanatik iniminnut tunuartersinnaapput. Meeqqallu ilaasa ikinngutitik ilaqtutatilluunniit allat ilagerusunnerulersinnaasarpaat.

Taamaattumik siunnersuutigiumavarput, inersimasut isumaqatigiissutigissagaat, juullikkunni qanoq imigassaamik annertutigisumik atuissanerlutik. Aamma eqqarsaatigineqartariaqarpoq meeqqat angajoqaaminnik qanilaartumik pineqarnissamik pisariaqartitsinerat. Pitsaasuuvog, meeqqat oqaloqatigineqarpata, paasiniarlugu juulli qanoq ingerlassasoq kissaatiginerat angujumallugu ilaqtariit tamarmiusut nuannersumik juullisiornissaat.

Kalaallit Nunaanni Meeqqat Ikiortigit tungaanit kikkut tamarmik ikiorneqarnissamik pisariaqartitsisut ikiortarnissaat kaammattuutigiumaneqarpoq.

Saaffigisassaq: Jonna Ketwa, oqarasuaat normu 24 65 50, mail jketwa@gmail.com